



Leiðbeiningar um útfyllingu eyðublaðs vegna ófrjósemisaðgerða

Eftirfarandi leiðbeiningar eru byggðar á lögum nr. 25/1975 um ráðgjöf og fræðslu varðandi kynlíf og barneignir og um fóstureyðingar og ófrjósemisaðgerðir. Gott er að hafa lögin til hliðsjónar við útfyllingu eyðublaðsins.

Skráningarreitir

Persónuupplýsingar umsækjanda

1. Fullt nafn: Fullt nafnt umsækjanda í samræmi við þjóðskrá.
2. Kennitala: Kennitala umsækjanda í samræmi við þjóðskrá. Ef umsækjandi hefur ekki íslenska kennitölu skal honum gefin sex stafa tala sem táknar fæðingardag, mánuð og ár. Næst koma þrjú “0” eða einhverjir aðrir stafir en tíunda talan táknar þá öld sem viðkomandi er fæddur á, þ.e. “9” fyrir þá sem fæddir eru á 20. öldinni og “0” fyrir þá sem fæddir eru á 21. öldinni.
3. Lögheimili: Lögheimili umsækjanda í samræmi við þjóðskrá.
4. Sími: Sími umsækjanda.
5. Sveitarfélag: Sveitarfélag umsækjanda. Skráið annað hvort heiti eða númer sveitarfélags í samræmi við númer Hagstofu.
6. Breytt heimilisfang eða tímabundið aðsetur: Ef aðsetur er annað en skráð er í þjóðskrá skal greina frá því heimilisfangi hér.
7. Sveitarfélag tímabundið: Ef aðsetur er annað en skráð er í Þjóðskrá skal greina frá sveitarfélagi aðseturs hér, annað hvort heiti sveitarfélags eða númer sveitarfélags í samræmi við númer Hagstofu.
8. Ríkisfang: Ríkisfang umsækjanda samkvæmt upplýsingum úr þjóðskrá.
9. Hjúskaparstaða skv. þjóðskrá: Skráið (lögformlega) hjúskaparstöðu umsækjanda samkvæmt þjóðskrá.
10. Sambúðarstaða: Skráið hvort umsækjandi er raunverulega í sambúð eða ekki.
Gætið þess að fylla bæði út reiti 9 og 10. Þannig getur t.d. umsækjandi verið giftur en ekki í sambúð, ekkja í sambúð o.s.frv.
11. Kyn: Skráið kyn umsækjanda.

Börn

12. Fjöldi barna á framfæri: Í reitinn er skráður fjöldi barna á framfæri umsækjanda.

Ástæður fyrir því að sótt er um ófrjósemisaðgerð

13. Hér á umsækjandi að greina sjálf(ur) frá ástæðum þess að hann/hún sækir um ófrjósemisaðgerð, einkum ef sótt er um ófrjósemisaðgerð skv. 18. gr. II.

Undirritun

14. og 15. Eigin umsókn: Merkja þarf við báða reiti, þ.e. að í fyrsta lagi sé verið að sækja um ófrjósemisaðgerð af frjálsum vilja og í öðru lagi að umsækjandi geri sér ljóst í hverju aðgerð er fólgin og að hann/hún hafi hlotið fræðslu og ráðgjöf skv. 21. gr. laga nr. 25/1975 og að lokum að umsækjanda sé ljóst að öryggi ófrjósemisaðgerðar er um 99,5%. Með undirskrift sinni staðfestir viðkomandi öll ofangreind atriði.

16. og 17. Umsókn lögráðamanns/foreldris: Ef umækjandi er ekki fullra 25 ára að aldri og ástæður til ófrjósemisaðgerðar, svo sem segir í 18. gr. II, eru fyrir hendi er heimilt að veita leyfi til aðgerðar samkvæmt umsókn sérstaks skipaðs lögráðamanns sbr. 22. gr. laga nr. 25/1975.

Forsendur umsóknar

18. Forsendur: Merkið við hvort umsókn er borin fram skv. 18. gr. I, þ.e. að ósk viðkomandi sem er fullra 25 ára. Ef umsækjandi er ekki fullra 25 ára skal merkja við 18. gr. II og jafnframt einhvern undirliðanna fjögurra sem vísa í skilgreiningar í lögnum (sjá bls. 1 á eyðublaðinu).

Greinargerð læknis/félagsráðgjafa (ef umsókn er borin fram skv. 18. gr. II)

19. Greinargerð: Ófrjósemisaðgerð er heimil skv. 18. gr. II. 1., 2., 3. og 4. þegar fyrir liggur umsókn viðkomandi og rökstudd, skrifleg greinargerð tveggja lækna, eða lækni og félagsráðgjafa, sé eingöngu um að ræða félagslegar ástæður fyrir aðgerð, enda sé hann starfandi í viðkomandi heilsugæsluumdæmi, sbr. 19. gr. laga nr. 25/1975.

Afgreiðsla umsóknar

Fylla þarf út báða reiti ef umsókn er borin fram skv. 18. gr. II. Ef umsókn er borin fram skv. 18. gr. I skal sjúkrahúslæknir kvitta fyrir afgreiðslu umsóknar.

20. Læknir/félagsráðgjafi: Hér skal merkt við hvort umsókn hafi verið samþykkt eða henni synjað og krafist er undirritunar lækni eða félagsráðgjafa. Einnig skal skrá númer lækni eða félagsráðgjafa.

21. Sjúkrahúslæknir: Hér skal sjúkrahúslæknir merkja við hvort umsókn er samþykkt eða henni synjað, undirrita og skrá læknanúmer.

Úrskurður nefndar

Rísi ágreiningur um hvort framkvæma skuli ófrjósemisaðgerð, skal málinu tafarlaust vísað til landlækni og skal hann tafarlaust leggja málið undir úrskurð nefndar skv. 28. gr. laga nr. 25/1975.

22. Dagsetning: Skráið dag, mánuð og ár úrskurðar nefndarinnar.

23. Merkið við hvort umsókn hafi verið samþykkt eða henni synjað. Ef umsókn er samþykkt þarf að vísa til greinar og undirliða. Ef umsókn er synjað þarf að greina frá ástæðu synjunar og senda umsókn til landlækni.

Framkvæmd aðgerðar

24. Dagsetning aðgerðar: Skrá skal dag, mánuð og ár aðgerðar.
25. Heiti sjúkrahúss/skurðstofu: Skráið heiti sjúkrahúss/skurðstofu þar sem aðgerðin er framkvæmd.
26. Aðgerð framkvæmdi, læknanúmer: Skráið læknanúmer þess læknis sem framkvæmdi aðgerðina.
27. Tegund aðgerðar: Merkið við tegund aðgerðar og skráið NCSP aðgerðanúmer.
28. Eftirköst: Skráið hvort aðgerðinni hafi fylgt einhver eftirköst. Ef svo er merkið við hvers konar eftirköst og skráið ICD-10 sjúkdómsgreiningarnúmer í viðeigandi reit.
29. Fóstureyðing framkvæmd samtímis: Merkið við reitinn ef fóstureyðing var framkvæmd samtímis.

**Vinsamlegast fyllið út í alla reiti umsóknarinnar
og gætið þess vandlega að skýrslan sé
undirrituð af viðeigandi aðilum og á réttum stöðum.**

Eyðublöð og skráning

Samkvæmt lögum nr. 25/1975 um ráðgjöf og fræðslu varðandi kynlíf og barneignir og um fóstureyðingar og ófrjósemisaðgerðir skal umsókn um ófrjósemisaðgerðir rituð á eyðublöð sem landlæknir gefur út (19. gr). Að aðgerð lokinni skal senda landlækni greinargerð um framkvæmd hennar á þar til gerðum eyðublöðum sem landlæknir lætur í té (24. gr). Þegar útfyllt eyðublöð hafa borist landlækni eru ákveðnar upplýsingar af þeim skráðar í gagnagrunn. Eftirtalin atriði eru skráð í grunninn: Aldur, sveitarfélag, dagsetning aðgerðar, tegund aðgerðar og hvar hún var framkvæmd. Kennitala einstaklings eða aðrar persónuupplýsingar eru hins vegar ekki skráðar. Tilgangur með skráningunni er eingöngu að fylgjast með tíðni ófrjósemisaðgerða í landinu, m.a. til leiðbeiningar við fræðslu og ráðgjöf. Fyllsta trúnaðar er gætt við meðferð eyðublaðsins skv. 27 gr. Sjá nánar <http://www.landlaeknir.is>